



Siverth K. Heilmann

UPA 2023/145-1

Atassut

10. maj 2023

Narsami aammalu Kullorsuarmi ilaqutariinnut siunnersortit ukiut marluk suligasuartussanik Naalakkersuisut aallarnisaanissamut peqquneqarnissaanik Inatsisartut aalajangiiffigisassatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.

(Inatsisartunut ilaasortaq Nivi Olsen, Demokraatit)

Siullermik inatsisartuni ilaasortaq Nivi Olsen, Demokraatit inatsisartunut aalajangiiffigisassamik siunnersuuteqarninnut qujanaq, imatullu naatsumik Atassummiit oqaaseqarfigissavarput.

Qanorluunniit Inatsisartuni Kommuune-niluunniit inatsisitigut suleriesissatsinnillu aalajangersaasi-magaluartilluta, pisariaqalersinnaajuaannarpoq peqqussusiornissaq naleqqussaannissarlu siunertaralugu inatsisartut Naalakkersuisunut peqqusinissarput.

Siunnersuuteqartup paasinarluartumik tunngavilersuuteqarnermini tikkuagaanut ilaavoq, naak kommuunit ilaqutariinnut sullissivinnik peqaraluartut, ilaqutariit iluanni ilungersunartunik pisoqartartoqarsinnaasarmat aammalu siunnersorneqarnissamik ikiorserneqavissornissamik pisariaqartitsisunik.

Taamaattumik immikkuullarissumik Narsami aammalu Kullorsuarmi iliuuseqaqqusilluni saqqummiunneqartoq tunngaviatigut Atassummiit taperserlutigu, suliap aappassaaneerneqartigani ataatsimiititaliamut susassaqtumut ingerlateqqaarneqarnissaa taperserparput.

Qujanaq.